

ইরাকে প্রত্যক্ষ নির্বাচনের সম্ভাব্যতা যাচাই করার জন্য যুক্তরাষ্ট্র জাতিসংঘের সাহায্য চেয়েছে

রেবেকা ফোর্ড মিচেল
ওয়াশিংটন ফাইল স্টাফ রাইটার

ওয়াশিংটন, ২৬শে জানুয়ারি -- ইরাকের কোয়ালিশন নেতৃত্বাধীন কর্তৃপক্ষ (সিপিএ)-এর প্রশাসক রাষ্ট্রদুত পল ব্রেমার জাতিসংঘ মহাসচিব কোফি আনান এবং ইরাকের গভর্নর্স কাউন্সিল-এর সদস্যদের সাথে বৈঠকের পর বাগদাদে ফিরে এসেছেন। তিনি ইরাকের পুনর্গঠন এবং সে দেশের সার্বভৌমত্ব ফিরিয়ে দেয়ার উভোরণকালীন সময়ে জাতিসংঘের ভূমিকা নিয়ে তাদের সাথে আলোচনা করেন।

‘সিপিএ’-র সিনিয়র উপদেষ্টা ড্যানিয়েল সিনর গত ২২শে জানুয়ারি বাগদাদে এক প্রেস ব্রিফিং-এ বলেন যে, জুন মাসের মধ্যে প্রত্যক্ষ নির্বাচন অনুষ্ঠানের সুপারিশ করার জন্য ব্রেমার আনানকে একটি পর্যবেক্ষণ দল পাঠাতে অনুরোধ করেছেন। ইরাকের সার্বভৌমত্ব ফিরিয়ে দেয়ার চূড়ান্ত সময়সীমা হচ্ছে ৩০শে জুন। সিনর বলেন, আনান জানিয়েছেন যে এই অনুরোধের প্রেক্ষিতে সিদ্ধান্ত গ্রহণের জন্য তিনি অতি দ্রুত পদক্ষেপ গ্রহণ করবেন।

সিনর বলেন, “আমরা জাতিসংঘকে একটি সমীক্ষা দল মোতায়েনের জন্য এবং নিকট ভবিষ্যতে প্রত্যক্ষ নির্বাচন অনুষ্ঠান সম্ভব কি না তা যাচাই করে সুপারিশ করার অনুরোধ জানিয়েছি। এগুলো যদি সম্ভব হয় তাহলে আমাদের কিভাবে এগুনো উচিত তা তারা জানাবে; আর এগুলো যদি সম্ভব না হয় তাহলে সর্বোত্তম বিকল্প কোনটি; এবং এরপর, সবশেষে, ইরাকে জাতিসংঘের ভূমিকা কি হবে সে বিষয়ে তারা মতামত দেবে।”

ব্রিফিং-এ অন্যতম অংশগ্রহণকারী বিগেডিয়ার জেনারেল মার্ক কিমিট জানান, পশ্চিমাঞ্চলীয় মসুলের একটি বাড়িতে অনুসন্ধান চালাতে গিয়ে ধরা পড়েছে ওই এলাকার আত্মাধীন বোমা হামলার সন্দেহভাজন পরিকল্পনাকারী সিমা ফাখরি হামিদ আল-তালির। কোয়ালিশন বাহিনীর ওপর রকেট-চালিত গ্রেনেড হামলা চালানোর জন্য দায়ী বলে ধারণা করা হয়ে থাকে এমন আরো দুই ব্যক্তি আবু সাইদা-র কাছে পরিচালিত এক অভিযানে ধরা পড়েছে। ইরাকের বিভিন্ন অঞ্চল থেকে বিপুল অন্তর্শস্ত্রের কয়েকটি ভান্ডারও পাওয়া গেছে।

কিমিট বলেছেন, এই সকল ঝটিকা হামলা কোয়ালিশন এবং ইরাকী নিরাপত্তা বাহিনীর যৌথভাবে পরিচালিত। সিনর জানান, বর্তমানে নিরাপত্তা বাহিনীতে ইরাকীদের সংখ্যা ১৫ হাজারের বেশি এবং নিরাপত্তা কাজে আমেরিকানদের চাইতে ইরাকীরাই অধিক সংখ্যায় নিয়োজিত।

কিমিট জানিয়েছেন, বেশ কয়েকজন ইরাকী মহিলা যারা কোয়ালিশন কাহিনীকে লাভ সেবা প্রদান করতো, ফালুজার কাছে তাদের বেসামরিক ভ্যানের ওপর অতর্কত হামলায় নিহত হয়েছে।

কিমিট বলেন, “আমি মনে করি এসব ঘটনায় অপর পক্ষের নির্দয় মনোভাবের চাহিতে মরিয়া পরিস্থিতিই বেশি প্রকাশিত হচ্ছে -- কারণ এই সব মহিলা যারা আমেরিকান ঘাঁটিতে কাজ করতো, তারা শুধুমাত্র তাদের কাপড়চোপড়ই ধূয়ে দিতো -- কিন্তু কোয়ালিশন বিরোধীরা এতেটাই দুঃসাহসী এবং হঠকারী যে এই সব মহিলা যখন তাদের পরিবারের খাদ্য যোগানোর জন্য কাজে যাচ্ছিলো তারা তাদের ওপর হামলা চালায়।”

অ্যাসাসিন’স গেট-এ সাম্প্রতিক বোমা হামলা প্রসঙ্গে কিমিট বলেন, “এই সব সন্ত্বাসী হামলা তাদের লক্ষ্য পূরণ করুক বা না করুক, এ বিষয়টি পরিষ্কার যে ‘একজনকে হত্যা করে সহস্রকে আতঙ্কিত করো’ এই পূরনো প্রবচন এখানে খাটছে না।” তিনি আরো বলেন, “পরিস্থিতির অগ্রগতি অব্যাহত রয়েছে। লোকে পরদিন কাজে হাজির হয়েছে। ইরাকী নিরাপত্তা বাহিনী কাজে যোগ দিয়েছে। পুলিশ স্টেশনে পুলিশ এসেছে। ‘আইসিডিস’ (ইরাকী সিভিল ডিফেন্স কোর)-র সৈন্যরা পরদিন বাইরে গিয়ে প্রহরা দিয়েছে। সন্ত্বাসীরা সফল হবে না কারণ ইরাকের জনগণ পেছন ফিরে তাকাবে না।”

সিনর ঘোষণা করেন যে আটক ১শ’ ৫০ জন ইরাকী বন্দীকে ৮৯ জন জামিনদারের হেফাজতে মুক্তি দেয়ার প্রক্রিয়া চলছে। জামিনদাররা বন্দীদের সদাচরণের দায়িত্ব নিয়েছেন।

=====

* (ওয়াশিংটন ফাইল যুক্তরাষ্ট্র পররাষ্ট্র দফতরের অফিস অব ইন্টারন্যাশনাল ইনফরমেশন প্রোগ্রামস্-এর একটি প্রকাশনা।)

জিআর/ ২০০৩

দ্রষ্টব্য: এই নিবন্ধের ইংরেজি ভাষ্য ‘অ্যামেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘অ্যামেরিকান সেন্টার’-এর প্রেস সেকশনে (টেলিফোন: ৮৮১৩৪৪০-৮, ফ্যাক্স: ৯৮৮১৩৭৭; ই-মেইল: dhaka@pd.state.gov Ges Website: <http://www.usembassy-dhaka.org>) *thMithM Ki'b/*